

Dr. Almasa Odžak, redovna profesorica na Odsjeku za matematičke i kompjuterske nauke Univerziteta u Sarajevu – Prirodno-matematičkog fakulteta, doktor matematičkih nauka, naučna oblast “Analiza”, predsjednica;

Dr. Lejla Smajlović, redovna profesorica na Univerziteta u Sarajevu – Ekonomskom fakultetu, doktor matematičkih nauka, naučna oblast “Analiza”, članica;

Dr. Zenan Šabanac, vanredni profesor na Odsjeku za matematičke i kompjuterske nauke Univerziteta u Sarajevu – Prirodno-matematički fakultet, doktor matematičkih nauka, naučna oblast “Analiza”, član.

VIJEĆU

UNIVERZITETA U SARAJEVU – PRIRODNO-MATEMATIČKOG FAKULTETA

Na osnovu člana 69. stav (1) tačka f) i člana 123. Zakona o visokom obrazovanju (“Službene novine Kantona Sarajevo”, broj 36/22 i 28/25), člana 111. tačka i) i 236. Statuta Univerziteta u Sarajevu, te prijedloga Vijeća Odsjeka za matematičke i kompjuterske nauke od 23. 6. 2026. godine, Odluke Senata Univerziteta u Sarajevu o utvrđivanju adekvatne naučne oblasti prilikom imenovanja komisije za pripremanje prijedloga za izbor broj: 01-15-30/26 od 15. 7. 2026. zaprimljeno na Protokol Fakulteta dana 20.7.2026., i Odluke Vijeća Univerziteta u Sarajevu – Prirodno-matematičkog fakulteta sa 35. sjednice izabrani smo u Komisiju za pripremanje prijedloga za izbor saradnika u zvanje asistenta za oblast „Matematička logika, kombinatorika i osnovi matematike” na Odsjeku za matematičke i kompjuterske nauke Univerziteta u Sarajevu – Prirodno-matematičkog fakulteta, 1 izvršilac sa punim radnim vremenom, a koji je objavljen u dnevnom listu „Dnevni Avaz“, na web-stranici Univerziteta u Sarajevu i web-stranici Univerziteta u Sarajevu – Prirodno-matematičkog fakulteta.

U skladu sa Zakonom o visokom obrazovanju Kantona Sarajevo, Statutom Univerziteta u Sarajevu i konkursnom dokumentacijom, podnesemo Vijeću Univerziteta u Sarajevu – Prirodno-matematičkog fakulteta sljedeći

IZVJEŠTAJ

Na Konkurs za izbor saradnika u zvanje asistenta za oblast „Matematička logika, kombinatorika i osnovi matematike“ na Univerzitetu u Sarajevu – Prirodno-matematičkom fakultetu, Odsjek za matematičke i kompjuterske nauke, potpunu prijavu su predala dva kandidata:

- Edin Liđan,
- Zubejda Puščul.

Komisiji su dostavljene Potvrda o blagovremenosti broj 02/01-1313, 1334, 1348/2-2026 od 25.6.2026. i Potvrda o potpunosti i urednosti prijava broj 02/01-1313, 1348/3-2026 od 24.8.2026. kojim je utvrđeno da su prijave dva gore navedena kandidata blagovremene, potpune i uredne, te da ispunjavaju formalne uslove propisane Konkursom.

Komisija je izvršila uvid u dostavljenu konkursnu dokumentaciju oba kandidata, te u nastavku daje pregled biografskih podataka kandidata, abecednim redom.

1. Edin Liđan

Kandidat Edin Liđan diplomirao je na Pedagoškom fakultetu Univerziteta u Bihaću na studijskom programu Matematika i informatika, ostvarivši prosječnu ocjenu 8.36. Nakon toga

završio je postdiplomski studij na Univerzitetu u Zenici, gdje je stekao akademski naziv magistra matematike i informatike sa prosječnom ocjenom 8.86.

2015. godine kandidat upisuje doktorski studij na Prirodno-matematičkom fakultetu Univerziteta Crne Gore, gdje nastavlja naučno usavršavanje iz oblasti matematičkih nauka i zvanje doktora matematičkih nauka stiče 2022. godine.

Profesionalnu karijeru započeo je kao nastavnik matematike, nakon čega je zaposlen na Pedagoškom fakultetu Univerziteta u Bihaću, gdje je tokom dosadašnjeg rada biran u zvanja asistenta i višeg asistenta. Tokom rada na Univerzitetu u Bihaću, kao saradnik učestvovao je u realizaciji nastave iz više matematičkih predmeta, stičući značajno iskustvo u izvođenju nastave na univerzitetu.

Pored nastavnog rada, kandidat se bavio i naučnoistraživačkim radom. Koautor je univerzitetskog udžbenika, autor i koautor nekoliko naučnih i stručnih radova, a rezultate svojih istraživanja predstavljao je na međunarodnim naučnim skupovima održanim u Bosni i Hercegovini i inostranstvu. Iz dostavljene biografije proizlazi i njegovo kontinuirano učešće u naučnoistraživačkom radu i međunarodnoj akademskoj saradnji.

Kandidat je također bio aktivan i u radu Udruženja za unaprijeđenje obrazovanja Triangle i Udruženja mladih matematičara iz Beograda kroz organizaciju radionice za učenike i sastavljanje zadataka za takmičenja.

Na osnovu dostavljene dokumentacije Komisija konstatuje da kandidat posjeduje značajno pedagoško iskustvo, kao i da je kontinuirano angažiran u naučnoistraživačkom radu i stručnom usavršavanju, te da kontinuirano doprinosi razvoju internacionalizacije i društva u cjelini.

2. Zubejda Puščul

Kandidatkinja Zubejda Puščul završila je prvi ciklus studija matematike, nastavnički smjer na Prirodno-matematičkom fakultetu Univerziteta u Sarajevu, stekavši zvanje bakalaureata matematike sa prosječnom ocjenom 8.54. Na istom fakultetu završila je i drugi ciklus studija – nastavnički smjer, sa prosječnom ocjenom 9.18, čime je stekla akademsko zvanje magistricе matematike.

Opredijeljenost za dalje akademsko usavršavanje potvrđuje činjenica da je trenutno studentica doktorskog studija na Prirodno-matematičkom fakultetu Univerziteta u Sarajevu, na studijskom programu Matematičke nauke u jugoistočnoj Evropi, gdje nastavlja svoje naučno usavršavanje iz oblasti matematičkih nauka.

Profesionalnu karijeru započela je u srednjoškolskom obrazovanju, a od 2018. godine zaposlena je kao profesorica matematike u JU Srednjoškolski centar „Nedžad Ibrišimović“ Ilijaš, gdje izvodi nastavu iz predmeta Matematika i Matematičke osnove kompjuterskih nauka. Tokom svog rada kontinuirano je učestvovala u unapređenju nastavnog procesa i razvoju nastavnih sadržaja, stičući značajno iskustvo u izvođenju nastave iz matematičkih disciplina.

Pored rada u srednjoškolskom obrazovanju, kandidatkinja je ostvarila i kontinuiran angažman u visokom obrazovanju kao stručnjak iz prakse na više organizacionih jedinica Univerziteta u Sarajevu. Na Elektrotehničkom fakultetu učestvovala je u izvođenju nastave iz predmeta Linearna algebra i geometrija i Inženjerska matematika II, na Mašinskom fakultetu bila je angažovana na predmetu Matematika I, dok je na Prirodno-matematičkom fakultetu učestvovala u realizaciji nastave na Odsjeku za fiziku, Odsjeku za hemiju i Odsjeku za matematičke i kompjuterske nauke, gdje je angažirana na predmetima Analitička geometrija, Diskretna matematika i Operaciona istraživanja.

Pored nastavnih aktivnosti, kandidatkinja aktivno učestvuje u projektima usmjerenim na popularizaciju matematike i unapređenje obrazovanja. Bila je član projektnog tima Projekta

Volim matematiku, koji se u saradnji Udruženja matematičara Kantona Sarajevo i Odsjeka za matematičke i kompjuterske nauke realizira kontinuirano od 2023. godine. Kandidatkinja je bila i učesnik projekta TABLA, kao i član timova za izradu i implementaciju Kurikularne reforme Kantona Sarajevo. Navedene aktivnosti potvrđuju njen kontinuiran interes i aktivnosti za unapređenje nastave matematike i razvoj matematičkog obrazovanja na svim nivoima.

Zubejda Puščul je bila i član organizacionog odbora 42. Balkanske matematičke olimpijade održane u Sarajevu 2025. godine.

Iz dostavljene dokumentacije proizlazi da kandidatkinja posjeduje kontinuiran profesionalni razvoj, iskustvo u srednjoškolskom i visokoškolskom obrazovanju, te aktivan angažman u nastavnom procesu Univerziteta u Sarajevu, te da kontinuirano doprinosi razvoju internacionalizacije i društva u cjelini.

Članom 112. stav (2) tačka a) Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 28/25) propisano je da se u zvanje asistenta može izabrati lice koje ima odgovarajući univerzitetski stepen sa najmanje 240 ECTS bodova i najnižom prosječnom ocjenom 8.0 ili 3.5, odnosno završen VII stepen studija po predbolonjskom sistemu sa najnižom prosječnom ocjenom 8.0.

Uvidom u dostavljenu dokumentaciju Komisija je utvrdila da oba prijavljena kandidata posjeduju odgovarajuću visokoškolsku kvalifikaciju. Kandidat Edin Liđan je završio VII stepen studija u četverogodišnjem trajanju (što je ekvivalent 240 ECTS bodova), II ciklus studija u jednogodišnjem trajanju (60 ECTS bodova) i III ciklus studija u trogodišnjem trajanju (180 ECTS bodova). Kandidatkinja Zubejda Puščul je završila studij I i II ciklusa (po modelu 3+2) i stekla 300 ECTS bodova i trenutno je student III ciklusa studija.

Oba kandidata također imaju minimalnu prosječnu ocjenu veću od 8.0, što znači da ispunjavaju zakonske uvjete za izbor. U tabeli ispod navedeni su prosjeci kandidata na svim ciklusima studija, kao i ponderisana prosječna ocjena izračunata proporcionalno broju ECTS kredita/godina studija položenih predmeta na svakom od ciklusa studija.

Kandidat	I ciklus/VII stepen studija		II ciklus studija		III ciklus studija		Ponderisani prosjek I i II ciklusa	Ponderisani prosjek I, II i III ciklusa
	ECTS	Prosjek	ECTS	Prosjek	ECTS položenih predmeta	Prosjek		
Zubejda Puščul	180, I ciklus	8.54	120, II ciklus	9.18	-	-	8.80	-
Edin Liđan	240, VII stepen	8.36	60, II ciklus	8.86	40*	9.50	8.46	8.58

*U prvoj godini studija na III ciklusu kandidat je položio pet predmeta koji zajedno nose 40 ECTS bodova

Na osnovu navedenog Komisija konstatuje da su ispunjene formalno-pravne pretpostavke za razmatranje prijave oba kandidata u postupku izbora. Komisija također konstatuje da kandidatkinja Zubejda Puščul ima veći ostvaren prosjek ocjena u toku studija.

Također, oba kandidata pored zadovoljenja minimalnih uslova za izbor u zvanje asistenta posjeduju pokazane nastavničke sposobnosti (relevantno pedagoško iskustvo), doprinos procesu internacionalizacije, kao i društveni doprinos.

Zaključak i prijedlog

Na osnovu izvršenog uvida u svu konkursnu dokumentaciju, te analize dostavljenih prijava, Komisija jednoglasno konstatuje da oba prijavljena kandidata ispunjavaju minimalne zakonske uslove za izbor u zvanje asistenta.

Komisija je na osnovu dostupne dokumentacije zatim izvršila komparativnu analizu kandidata, baziranu na Članu 112. stav (2) tačka a) Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 28/25) koji regulira izbor u zvanje asistenta. Komisija je jednoglasno zaključila da na osnovu zakonskih kriterija koji reguliraju izbor u zvanje asistenta kandidatkinja Zubejda Puščul ostvaruje prednost u odnosu na drugog prijavljenog kandidata, imajući u vidu da je ostvarila viši prosjek ocjena i na prvom i drugom ciklusu studija, a time i viši ponderisani prosjek na oba ciklusa studija.

Na osnovu svega navedenog Komisija predlaže Vijeću Univerziteta u Sarajevu – Prirodno-matematičkog fakulteta da prihvati ovaj Izvještaj i donese odluku o izboru Zubejde Puščul, magistricе matematike, u zvanje ASISTENTA za oblast „Matematička logika, kombinatorika i osnovi matematike“ na Univerzitetu u Sarajevu – Prirodno-matematičkom fakultetu, Odsjek za matematičke i kompjuterske nauke.

Sarajevo, 26.08.2026. godine

Dr. Almasa Odžak

Dr. Lejla Smajlović

Dr. Zenan Šabanac
